

代州志序

道太原而北有開三雁門為大介陞嶺
之間有州又代為大然古雁門山在高
柳北其郡治為善無為陰館所領諸縣
今大朔甯三府地也古代國在飛狐北
其郡治為梁乾為高柳所領諸縣今大
同以東及直隸之蔚州西甯地也皆與

七州無涉今州在秦澧為廣武屬太原
其為雁門郡自魏黃初始其為代州自
隋開皇始其以郡名為開名又自唐宗
以來始唐於此置都督府督代忻蔚新
靈順六州宋於此設沿邊安撫使兼轄
麟府二州兵馬準其規制與今雁平道
分轄府州相仿雖中外異形控馭異勢

要其為上游阨要北門完鑰則古今所
同也州有志始於前明萬厯間

國朝乾隆中知州吳重光再修之明志成
於判官周宏禴史採入藝文稱名筆而
失之太簡於代雁門之辨茫然也吳書
取材通志知古代在蔚州而誤焉不詳
於雁門為郡為國之所自亦茫然也夫

志乘之要莫先地理必明於古今之形勢
而後攻守利害有所述必詳於都邑之
變遷而後文獻掌故有所稽未可徇名
求合鑿空為說也逸仙刺史來領是州
政事之暇取舊志而新之就商於余
惟志州難於府縣志代又難於他州蓋
縣志專記一隅府志彙載所屬州則疆

索視縣例必獨詳統屬視府注難悉略
而代又居九塞之首當二鎮之衝稽古
證今竄為繁劇自非學優括地才裕
盡山而於勸為有用之書垂為不刊之典
亦甚未易哉刺史不謬余言毅然力任
窮搜遠紹實事求是復延楊秋涓學博
佐其考訂積九閱月書成別定義例規

模史裁大旨在揚近事之芳懿訂舊文
之外疎而於地理尤極精審如謂雁門
在晉者有三今之關史但云句注西陲
陞嶺陲口不稱雁門稱雁門坐郡縣名
也廣武在州境者有四州西之故城為
薄舊縣關北之故城為金舊縣原平在
州屬者有三元魏之縣在今崞北非兩

漢之舊孝昭之縣即今州城又非太和
之舊雁門郡凡五徙而劉宋之儒置不
與代國凡八遷郡志不易而今之州皆
不與並是以正後來記載之失昔顧亭
林謂代有三遷閻百詩駁之曰代有七
遷亭林知其三然百詩歷舉中都晉陽
高柳盛樂雲中平城而竟不知後周以

上黨為代國隋初以馬邑為代郡以顧
閭之學猶不免於踈略則信乎考核之
難而益彰刺史用心之勤為不可及矣
乃揭其要端書諸簡首至若州縣之志
為一方政治所關風教所繫非徒取備
遊覽佐掇藻詞體例宜仿正史不當敘
圖經其說至近世而大明奉書例言刺

史自序已詳之矣余故不復贅云
光緒六年歲次庚辰嘉平之月

雁平兵備道長白廣蔭撰並書

宮保威毅伯湘鄉曾公撫晉之三年治洽人和百廢並舉遂奏請纂修通志既奉

俞旨下檄州縣各續故乘廣備採擇廉三時居幕府佐治文書與聞其議未幾補官於代代雄州也亦人文藪也閱舊志頗病疎略思別輯爲書會津門杜君幼坡方攝是州集鄉先生採訪近事具有端緒乃據正史外取掌故諸書金石殘文先達遺集雜撮瑣綴閱旬三十所積遂富自維謫陋攬撫爲能有同記簿無當立言獨念入晉以來河防振務無役不從十餘年中未嘗不歎仕國之多故而陘嶺南北最稱清晏代介其間蔚爲名邦風塵末吏幸茲綰符每值

訟閣公暇環列古籍披閱有得伸紙疾書此景此情視昔之執掌軍檄胙心戶版有不可同年而語者固

國家聲教遠暨涵濡醞釀致邊郡數百載之庥嘉抑亦守土者遭際之榮也爰授藁於學博楊君秋湄詳加釐訂商定義法略仿史體不敢言作竊比於述九塞之首夙爲重防抗規裴賈申畫井疆設險興利壯我金湯分率必準瓜離必詳述圖五曰疆域圖曰城池圖曰鄉都圖曰渠道圖曰邊關圖年經月緯統系以別方乘之要厥惟沿革頒爵命吏載臚名籍籲俊升賢亦以次列述表四曰地表曰封爵表曰職官表曰選舉表外史所掌誦訓所詔有社有民乃

資富教惟祀與戎悉爲政要文物燦焉爲輶軒告述志八
曰地理志曰建置志曰祠祀志曰賦役志曰學校志曰兵
志曰金石志曰藝文志句注以南代有偉人汗青彬彘書
名書勲旁徵誌狀近羅見聞彤編有稽並播清芬述傳四
曰史傳曰集傳曰列傳曰列女傳志傳未備別爲論著爰
舉循良次及流寓其他事文連牴類聚或裨掌故或資談
助述記四曰宦績記曰僑居記曰大事記曰雜記凡爲目
二十有五爲卷十二圖冠之卷首光緒庚辰嘉平旣望知
州俞廉三序

代州志

纂修姓氏

監修

欽加三品銜雁平大朔甯忻代保驛傳兵備道 廣 蔭

承修

署代州直隸州知州 甲辰科舉人 杜崧年

纂修

欽加鹽運使銜 賞戴花翎代州知州候補知府 俞廉三

參閱

代州直隸州水利州判 恩貢生 徐秉元

代州儒學學正甲午科舉人王鈞
代州儒學訓導壬戌科舉人高鏡泉

參訂

代州繁峙縣儒學教諭甲子科舉人楊篤

編次

五品銜代州直隸州吏目蔣模

總理紳士

大挑甘肅知縣己未科舉人李宗鈺

大挑江蘇知縣癸酉科舉人王宋

六品頂戴廩生馮丙祥

候選訓導署河津縣教諭廩貢生范渤

校對紳士

廩

生王志道

候補八旗教習己卯科舉人郝秀楠

廩

生李清溪

採訪紳士

萬泉縣教諭己未科舉人李資生

庚

午

科

舉

人

高國佐

丙

子

科

舉

人

郝秀椿

恩

貢

生

姚清

歲

貢

生 趙悅祖

光祿寺署正銜附貢生 趙碩

附

貢

生 王耀德

附

貢

生 李淑龍

廩

生 宋際昌

廩

生 趙惠

增

生 王文臺

候選從九品附

生 張遇庚

翰林院待詔銜附貢生 周甫辰

六品頂戴附貢生 趙作辛

附

生 翟萬里

附

生 王振綱

附

生 郎鍾秀

附

生 姚瀛

附

生 劉培真

附

生 周應甲

附

生 韓誠

翰林院孔目銜監

生 賈作舟

候選從九品附監

生 郎汝瑚

六品頂戴監

生 李殿榮